

Fonda akto:

1. **Fondado:** La asocio estas fondita en la Flandra Regiono je la 22-a de januaro 2021, kiel asocio sen profitdona celo (ASPC), surbaze de la belga leĝo pri akciaj kompanioj kaj asocioj de la 23-a de marto 2019, de

- Marc Vanden Bempt, belgo (Arnoudt Rulenslaan 10, 3020 Winksele, Belgio),
 - Roland Rotsaert, belgo (Marie Popelinplantsoen 3 bus 0402, 8000 Brugge, Belgio) kaj
 - Bert Boon, belgo (Merelhof 8, 3300 Tienen, België)
- por nelimigita daŭro.

2. La sidejo troviĝas en la Arnoudt Rulenslaan 10, BE-3020 Winksele, www.arkivo.eu, e-mail oficiala@arkivo.eu

3. La administrantoj estas la en punkto 1 nomitaj tri personoj.

4. La statutoj estas fiksitaj kiel sekvas.

Konsentas:

Bert Boon

Roland Rotsaert

Marc Vanden Bempt

Statutoj:

1. La asocio havas la **nomon**: Internacia Esperanto-Arkivo, mallongigite IEA. La sidejo troviĝas en la Flandra Regiono.

2. La **minimuma membronombro** estas tri. Minimume la duono de la membroj estas samtempe administranto.
La maksimuma membrokotizo estas po 10 eŭroj jare.

3. La asocio **celas**: kolekti, arkivi, protekti, administri kaj fari alireblaj librojn, revuojn kaj aliajn dokumentojn en kaj pri Esperanto kaj planlingvoj, en sia originala formo. Tiu ĉi arkivo celas konservadon kiel heredaĵo, por nelimigita tempodaŭro.

4. **Por atingi ĉi tiun celon**, la asocio altiras arkivajn dokumentojn diversmaniere. Ĝi provizas medion (posedaĵon aŭ luadon) taŭgan por gardado en optimumaj kondiĉoj koncerne klimaton, sekurecon kaj simile. Detala inventaro de la arkivaj dokumentoj estas daŭre ĝisdatigata. Principe ne disponeblas pruntado, la aliro eblas surloke aŭ per aliaj vojoj, ekzemple skano.

5. **Membroj** povas **aliĝi** nur kondiĉe de unuanima konsento de la administrantoj. Aliĝo okazas per pagado de la jara membrokotizo.
Eksiĝo de membroj eblas laŭ la kondiĉoj en la leĝo (Art. 9.23) aŭ per nepagado de la membrokotizo.

6. La **Ĝenerala Kunsido** havas la povojn kiujn la leĝo donas al ĝi (Art. 9.12). Ĝi kunsidas minimume po 1 fojon jare, inter la 1-a de januaro kaj la 31-a de majo.

Kunvokado okazas de la administrantaro, laŭ elektronika vojo. La kunsido povas okazi fizike aŭ pere de aŭdvida konferenco aŭ egalvalora maniero.

La decidoj estas notitaj en la raporto kiu estas liverita al ĉiuj membroj. Aliuloj post demando povas enrigardi tion ĉi en la sidejo de la asocio.

7. La **Administrantaro** prefere konsistas el minimume kaj prefere ekzakte tri membroj, kun maksimumo de kvin.

La administrantoj povas akcepti novan administranton kondiĉe de unuanima interkonsento de ĉiuj administrantoj kaj kondiĉe de aprobo de la Ĝenerala Kunsido. Ili estas nomumitaj por nelimigita periodo. Eksigo de administranto eblas per 2/3-a plimulto de la Ĝenerala Kunsido.

Administranto povas rezigni laŭ sia propra peto, la ekzigito ekvalidas ĉe nomumo de anstataŭa administranto aŭ maksimume ses monatojn post kiam peto pri demisio estis klare sciigita al la aliaj administrantoj.

Kaze de fakta perdo de administranto, pro morto aŭ alia nekapablo, la aliaj administrantoj nomumas anstataŭan administranton.

8. Ĉiu administranto estas individue **rajtigita** kaj povas reprezenti la asocion por ĉiuj agoj servantaj al la celo. Por agoj, kiuj ligas la asocion por grava parto de la valoraĵoj (grado de 5% aŭ pli), unuanima decido de la administrantoj estas bezonata.

9. Principe la administrantoj por ĉiuj **decidoj** strebas al unuanimeco. Se tiu ne atingeblas, ili voĉdonas per simpla plimulto, krom se ĉi tiuj statutoj aŭ la leĝo postulas malsaman plimulton. Ĉiuj administrantoj havas inter si egalan voĉdonrajton, nur kaze de nedecidaj voĉoj, decidas la voĉo de la administranto kiu estis en oficejo dum la plej longa tempo. Interesokonfliktoj estas regulitaj de la leĝo (Art. 9:8. § 1).

10. Statutŝanĝoj estas eblaj kondiĉe de unuanima aprobo de ĉiuj administrantoj kaj laŭ la kondiĉoj postulataj de la leĝo. Ĉi tio nur eblas en la spirito de la nuna celo.

11. La **rimedoj** de la asocio ne povas esti elpagitaj, ili estas uzataj ekskluzive por la celo de la asocio.

12. En kazo de **malfondo**, la tuta posedaĵo, en formo de arkivaj dokumentoj, nemoveblaĵoj, financaj rimedoj aŭ kio ajn, iros al institucio kun similaj celoj, unuavice celanta pluan konservadon dum senlima periodo de la tuta arkivo. Antaŭ tio la fondintoj dum sia vivo jes havas la opcion ricevi sian komencan (ne-financan) kontribuon, aŭ kaze de foriĝo samvaloran ekvivalenton.